

և Մարտիրոս Երզնկացի մը, որոնք Վենետիկ—Հոոմ ճանապարհը կ'ընթանան աւելի կամ նուազ երկար գծով, և կը յայտնեն իրենց սքանչանքը Ադրիական դժուր փառքին վրայ: Կը թողում յիշել Աւգոստինոս Բաջենցը, Յովհաննէս Թութունճին, Յակոբ Կարնեցին և ուրիշներ: Անոնք ոչ իրենց աշխարհահայեացքով և ոչ ալ բազմաշրջութեամբ կրնան հեռուէն անգամ մը ցաւից ներկայանալ Սիմէոնի:

Արգէն երկար ուղեգիծը՝ Լվով—Կ. Պոլիս—Չմիւռնիս—Կ. Պոլիս—Վենետիկ—Հոոմ—Մուշ—Կ. Պոլիս—Գահիրէ—Երուսաղէմ—Հալէպ—Կ. Պոլիս—Լվով, ինչպէս և ժամանակը՝ 1608—1619, բաւական են համոզելու գմեղ, թէ Սիմէոն ունի շատ բան պատմելու իւր շատաշրջիկ կեանքէն և ապրումներէն:

Սիմէոն բարի և «պարզամիտ մարդ» (214—215) է. անիկա կը հաւատայ տեսիլքներու և հրաշքներու. կը դարմանայ ամէն տեսածի և լսածի վրայ միամտօրէն: Բարեմտութիւնն և ճշմարիտ հաւատքը իր ընկերներն եղած են իր երկար ճանապարհին վրայ: Իր այս նկարագրով սիրուած է անիկա ամէն տեղ: Իր բարեմտութիւնը կը թելադրէ մեզի հաւատք ընծայելու իրեն, ընդունելու իր պատմածները այնպէս, ինչպէս տեսած և լսած է:

Ոչ միայն աշխարհներն և ժողովուրդները հետաքրքրած են զինքը, այլ և զննա-